

სტუდენტის დატვირთვა და აკადემიური რეგისტრაცია

✚ სტუდენტის სასწავლო საქმიანობის შესაფასებლად გამოიყენება კრედიტი - ერთეული, რომელიც გამოხატავს სტუდენტის მიერ კურსის/მოდული ასათვისებლად შესრულებული სამუშაოს მოცულობას გამოხატულს დროის ერთეულში - საათებში. ერთი კრედიტი მოიცავს 25 ასტრონომიულ საათს, საიდანაც უმაღლესი განათლების პირველ საფეხურზე საშემსრულებლო მიმართულებით არაუმეტეს 15 საათისა არის საკონტაქტო, ხოლო დანარჩენი - დამოუკიდებელი სამუშაო, თეორიული მიმართულებით არაუმეტეს 10 საათისა არის საკონტაქტო, ხოლო დანარჩენი - დამოუკიდებელი სამუშაო (ცალკეულ სპეციალობათა სპეციფიკიდან გამომდინარე, დასაშვებია კრედიტში საკონტაქტო და დამოუკიდებელი საათების განსხვავებული თანაფარდობა).

უმაღლესი განათლების მეორე საფეხურზე 1 კრედიტი არაუმეტეს 6 საკონტაქტო საათი. ზოგიერთ სასწავლო დისციპლინაში დასაშვებია 1 კრედიტში განისაზღვროს არაუმეტეს 10 საკონტაქტო საათისა, ამასთან, პროგრამის საკონტაქტო საათების სრული ოდენობა არ უნდა აღემატებოდეს 720 საათს.

საგანმანათლებლო პროგრამით გათვალისწინებულ სასწავლო კომპონენტში კრედიტის მიღება შესაძლებელია მხოლოდ სტუდენტის მიერ სილაბუსით დაგეგმილი სწავლის შედეგების მიღწევის შემდეგ, რაც გამოიხატება საკრედიტო სისტემით გათვალისწინებული ერთ-ერთი დადებითი შეფასებით.

ბხსუ-ში სასწავლო წელი ორსემესტრიანია. სემესტრი მოიცავს 19 კვირას, აქედან:

- 15 კვირა ეთმობა სააუდიტორიო მუშაობას;
- 4 კვირა – საგამოცდო სესიებს.

აუცილებლობის შემთხვევაში აკადემიური საბჭო უფლებამოსილია განსაზღვროს სააუდიტორიო მუშაობისათვის კვირათა განსხვავებული რაოდენობა.

სტუდენტის საქმიანობა (დატვირთვა) მოიცავს:

- ლექციაზე დასწრებას, სამუშაო ჯგუფში მუშაობას, პრაქტიკულ ან ლაბორატორიულ მეცადინეობას;
- დამოუკიდებელ მეცადინეობას;
- სასწავლო, შემოქმედებით, სამეცნიერო, საწარმოო და სხვადასხვა პრაქტიკას;
- გამოცდების მომზადება-ჩაბარებას;
- შემოქმედებით სამუშაოს, სასწავლო-სამეცნიერო ნაშრომზე მუშაობას;
- შემოქმედებითი სამუშაოს ან სასწავლო-სამეცნიერო ნაშრომის დაცვას.

✚ სტუდენტის ინტერესებისა და აკადემიური მომზადების დონის შესაბამისად, სტუდენტს უფლება აქვს მოითხოვოს ინდივიდუალური სწავლების პროგრამის შემუშავება. ინდივიდუალური სასწავლო პროგრამას სტუდენტთან ერთად შეიმუშავებს პროგრამის ხელმძღვანელი, რომელიც განსახილველად წარედგინება

ფაკულტეტის ხარისხის უზრუნველყოფის სამსახურის უფროსს და მიღებული რეკომენდაციების (ასეთის არსებობის შემთხვევაში) გათვალისწინებით წარედგინება ფაკულტეტის საბჭოს. დამტკიცების შემდეგ ფაკულტეტის საბჭოს გადაწყვეტილება წარედგინება აკადემიურ საბჭოს დასამტკიცებლად. ინდივიდუალური სასწავლო პროგრამის მომზადებისას გათვალისწინებული უნდა იქნას აკადემიური კალენდრით გათვალისწინებული ვადები (სემესტრის და სასწავლო წლის დაწყება/დასრულება).

✚ საგანმანათლებლო პროგრამის მოთხოვნების შესრულების მიზნით, სტუდენტი ყოველი სასწავლო წლის (სემესტრის) დაწყებამდე, დადგენილ ვადაში, გადის აკადემიურ რეგისტრაციას, რაც გულისხმობს პროგრამით გათვალისწინებული სასწავლო კურსების/მოდულების შერჩევას და შესაბამისი კრედიტების დაგროვებაზე ვალდებულების აღებას. აკადემიური რეგისტრაციის წინაპირობაა ადმინისტრაციული რეგისტრაციის გავლა.

რეგისტრაცია ხდება შემდეგი წესის მიხედვით:

ა) აკადემიური რეგისტრაციის დროს სტუდენტს უფლება აქვს სასწავლო წლისათვის დაარეგისტრიროს არაუმეტეს 75 კრედიტის მოცულობის სასწავლო კურსები.

ბ) გასულ სასწავლო წელში 15 და ნაკლები კრედიტის აკადემიური დავალიანების მქონე სტუდენტი დამდეგი სასწავლო წლისთვის არეგისტრირებს, როგორც საგანმანათლებლო პროგრამით შესაბამის სემესტრებში გათვალისწინებულ სასწავლო კურსებს, ისე გასულ სასწავლო წელს აუთვისებელ კურსებსაც.

- ✓ სასწავლო კურსში/მოდულში „(F) ჩაიჭრა“ შეფასების მქონე სტუდენტი ვალდებულია მომდევნო სასწავლო წლის დაწყებამდე დამატებით გაიაროს აკადემიური და ადმინისტრაციული (ფინანსური) რეგისტრაცია, დავალიანებული საგნ(ებ)ის დაარეგისტრირების მიზნით.
- ✓ სტუდენტს უფლება არა აქვს დაარეგისტრიროს სასწავლო კურსი/მოდული თუ მისი შესწავლის წინაპირობაა კურსი/მოდული, რომელშიც ექნება უარყოფითი „(F) ჩაიჭრა“ შეფასება.

✚ დამატებით სპეციალობაზე ან არჩევით კურსზე (კურსებზე) დასარეგისტრირებლად სტუდენტი მიმართავს შესაბამის ფაკულტეტს. თუ დამატებით სპეციალობაზე ან არჩევით კურსზე (კურსებზე) სწავლის მსურველთა რიცხვი აღემატება დადგენილ რაოდენობას, ფაკულტეტის მიერ განისაზღვრება დაშვების პირობა. დამატებით სპეციალობაზე სტუდენტის დაშვების შესახებ სამართლებრივ აქტს გამოსცემს რექტორი დეკანის წარდგინებით. თუ დამატებით სპეციალობაზე სტუდენტთა რაოდენობა დადგენილ რაოდენობაზე ნაკლებია, სტუდენტმა უნდა აირჩიოს სხვა დამატებითი სპეციალობა ან არჩევითი კურსები.

- ✓ უცხო ენის არჩევის შემთხვევაში სტუდენტს უტარდება ტესტირება უცხო ენის შესაბამისი დონის განსაზღვრისათვის.
- ✓ სასწავლო პროცესთან დაკავშირებული სხვა საკითხები იხილეთ ბხსუ-ს სასწავლო პროცესების მარეგულირებელ წესში. http://batu.edu.ge/text_files/ge_file_2260_1.pdf